

■ UDIN

Cunvigne sul lessic furlan

Presentâ un cuadri dai lavôrs di lessicografie furlane, massime storiche, mostrand une prospetive dai studis in chest setôr. Al è l'obietîf de cunvigne «Il lessic furlan. Dai documents antîcs al Dizionari storic», che si tignarà miercus ai 4 di Novembar, aes 4 daspomisdi, te sale Florio di palaç Florio, in vie Palladio a Udin. L'incuintri, introdusût di Carla Marcato, al è inmaneât dal dipartiment di Lenghis e letaturis gjermanichis e romanzis de Universitât di Udin. A son previodûts i intervents di Maria Cristina Cescutti, Silvia Del Magno, Giovanni Frau, Serena Rovere, Luisa Villotta e Federico Vicario. «Par nudrî chescj studis – al dîs Vicario, coordinadôr scientific de cunvigne – a coventin ricognizions acuradis tai archivis de regjon par podê censî lis scrituris anti-ghis in volgâr, publicâ materiâi di interès e inmaneâ un repertori dal furlan des origjinis. Il progjet "Dizionari storic furlan" si propon di puartâ un contribût in cheste direzion».